



歷官表奏卷第四

周益文公集一百二十五

淳熙七年

東宮賀年牋



正合乎天謹歲年於周初雷潛乎地推動靜於羲文在時為亨

於禮宜慶中賀恭惟皇太子殿下睿以敏溫敬而文日月就

將方懋聰明之德國家閑暇莫窺監撫之功當南極之景舒知

少陽之道長榮奉兩宮之樂協臻曼壽之期某託備下僚會逢

亞歲龍墀北拱欣仰睇於淵冲鶴禁東開嗣虔修於班謁日

同講筵官辭免進讀三朝寶訓終篇轉官奏狀

大中大夫試吏部尚書兼翰林學士承旨兼侍讀臣周某朝請
即試兵部尚書兼侍讀臣王希呂朝議大夫權尚書戶部侍郎
兼侍講臣陳現朝奉大夫侍御史兼侍講臣黃洽朝奉即秘書
省著作郎兼崇正殿說書臣崔敦詩同狀奏臣等昨準尚書省
劄子五月六日三省同奉 聖旨經筵進讀三朝寶訓終篇侍
讀侍講說書並特轉一官者非常之恩承命震恐臣等伏覩真
宗咸平中肇正講讀之職始命刑昺專講左氏春秋其後篇秩
既竟特宴近臣仍有錫膏近官之寵載在史冊以為美談仰惟
陛下迪三聖之丕烈頻御邇英樂聞謨訓臣等適有天幸偶值

終篇聖恩所加務極隆厚賜飲則勅使踵至膏予則駢蕃不一
臣等無稽古之力竊稽古之榮其為光耀已不勝言若復驟增
顯秩必將上累信賞下拂公議此臣等之所以懼也且邢昺初
終自講一經宜有異數今畧計十九年間任講讀者近六十人
曾非獨勞乃掠衆美此又臣等之所以懼也伏望 聖慈矜憐
危懇原省罔功因其旅辭特格前詔庶幾僥冒之責猶可追於
萬一臣等無任虔祈戰汗之至謹錄奏聞伏候

勅旨五月十二日三省同奉 聖旨並不允內周某王希呂令

學士院降詔

不允詔

王希呂撰

勅某省所奏辭免經筵進讀三朝寶訓終篇特轉一官恩命事
具悉朕聞恭祖舊所以迪順民之方擇儒人所以廣多聞之智
誕惟三炳聖德六經思述於猷勳迺周爰於殫洽卿夙儀禁
闈咸擅才謨進聯講幄之華倫罄幾音之助甫終篇第宜有褒
優夫推朕顛尊祖宗之心故凡今經論訓典之彥趣加蠲賞
式示至公非爽舊章毋稽成漢所辭宜不允

申省狀

右某等近蒙聖恩以進讀三朝寶訓終篇特轉一官尋具奏
辭免未奉俞旨不勝震灼竊惟明主日御經幄諮詢聖謨舜文
之勤中外欽仰某等分日誦說豈嘗宣勞乃緣特恩躡進階秩
遠歿咸平之制既以不同近觀紹興之時又無此例逢辰雖幸
冒寵何名伏望朝廷特與敷奏許賜寢免庶安私義免累公朝
其等實為厚幸謹具申尚書省伏候指揮五月十五日三省同
奉聖旨周某某王希呂依已降詔陳峴黃洽崔敦詩已降指揮
並不允不得再有陳請

進謝恩詩表

少傅保寧軍節度使醴泉觀使兼侍讀衛國公食邑一萬一千

五百戶食實封四千九百戶臣史皓太中大夫試吏部尚書兼翰林院學士承旨兼侍讀兼太子詹事兼國史管城縣開國伯食邑八百戶臣周某朝請即試兵部尚書兼給事中兼修玉牒官兼侍讀符離縣開國男食邑三百戶賜紫金魚袋臣王希呂朝議大夫權尚書戶部侍郎兼詳定一司勅令兼侍讀闕縣開國男食邑三百戶賜紫金魚袋臣陳峴朝請大夫起居郎兼太子侍講臣本侍問朝請即守起居舍人兼玉牒所檢討官臣宇文价朝奉大夫侍御史兼侍講臣黃洽朝奉即秘書省著作郎兼學士院權直兼崇正殿說書臣崔敦詩上表臣某等言伏蒙

聖恩以進讀三朝寶訓終篇賜臣等御筵及牙簡金帶硯匣鞍馬香茶者侍言虎觀陳三聖之宏規錫宴麟臺講一時之盛禮匪頌意厚宣勸恩深既怙冒於光榮宜發揚於歌詠臣浩等中謝臣等伏以皇祖有訓嘉言孔彰開創守持垂億萬年之基業都俞吁咈振六十載之綱條皆聚此書克昌厥後而臣等讀慙左史時際右文獲並造於細旃敢妄希於重席徒緣幸會猥被眷私屬饜有核之豐眩駭鼓鍾之奏裊跪象齒第分御府之珍駿足珣鞍均拜天閑之賜載盼育培申錫寶豈伊極陋之姿堪此殊常之寵茲蓋伏遇皇帝陛下緝熙帝學闡繹人文

卷之六十八 集卷四

誦上世之遺書，寧專耳受，監先王之成憲，固欲躬行。逮訖年編，特推欽賜，儒流改觀，識咸平慶曆之遺風，政計偕來，兼元祐紹興之故實。若時曠典增，煥昌期，臣等積愧優恩，粗知美報。蓋九五正大君之吉象，已應於雲需，則群黎祈禹壽之增，詩必膺於天保。臣等無任感天荷聖，激切屏營之至。謹各齋沐，撰成謝恩詩，隨表上進，以聞。

同侍從慰 皇子魏王薨奏

臣等共成魏王薨，皆仰惟聖情良切，悲悼伏乞以理寬釋，俯尉群心。臣等無任虔懇之至。

乞宮祠劄子

臣輒控愚誠，仰干洪造，伏念臣再塵路禁，六閱歲華，課績用以茂如，冒迂陞而寵甚，邦彛具任，久踰更迭之時，物理可推，浸味

滿盈之戒，昨繇宗伯，改領選曹，獻納論思，曾微片善，簿期會初

乏寸長，仰負春知，俯慙譏誚，又迂延于半載，乃冒昧而一言，正唯固戀於恩榮，是以弗輕於去就，茲緣疾恙驟覺，衰疲內無可展之才，猷外則弗彊於筋力，省循頑頓，合致人言，恃賴除寬，尚容自例，伏望 陛下軫念軒墀之舊，曠施天地之仁，許奉外祠，俾逃大戾，性知麋鹿，期少遂於山林，效若犬鷄，終再申於鳴吠。

臣無任祈天俟命惶惧激切之至取進止

不允詔學士院權直趙產中撰

勅某省所奏劄子乞奉外祠事具悉朕惟儒者之在朝有若太
山之蘊玉雖潛美不見外然光潤物及者多卿履德清純受
才淵茂敷言華乎邦國端誠儀於朝廷嘉惟節業之修尉為侍
從之倡粵升銓綜之符具有忠勞之宣事經畢陳官序惟穆屬
小憇於衛養旋既遂於寧瘳胡輕抗言謀欲自佚况彼進金華
之讀正以便細旃之啓迺鳴碩之弗留豈貪與之歸允勉安厥
服毋咈至懷所請宜不允故茲詔示想宜知悉

再乞宮祠劄子

臣昨日於經筵留身以疾病之餘不勝疲憊乞奉外祠蒙

陛下天語粹溫曲形慰勞且為寶訓終篇一時盛典卿豈不體

朕眷^知禮意^臣惶懼感激莫知所措尋具奏陛下用臣太過

遂致滿溢^延災劇曹要官非養病之所清資駢組積妨賢之愧

知進不知退有害盈之悔若復貪冒榮祿必將重速顛危仗緣

駕坐已久^臣臣悃誠未容彈竭退而屏息俟命不謂俞旨尚

闕詔旨隨頒共惟隆天厚地之恩何以稱塞自合仰承眷遇豈

敢固守不移之愚其如實迫病衰勢有不能但已伏念臣踈庸

懦弱畧無寸長。一自移寘銓曹，寵任彌劇。朝思夕慮，每不皇安。詘指計日，只俟俯近。半歲即上，章巧去。臣之素志，同列具知。已定此月十二日乞對，美會瘡腫在告，洵浹私念。忝陪近侍，安可。以疾臥家，徑入文字，故就二十三日。勉彊祇赴朝，忝尋曾奏知。只候有班次，便伸懇款。以此見臣犬馬恋軒，反覆籌度，非驟為。是堅請也。天日在上一言，敢欺伏望。聖慈俯賜矜察，特從所請。臣投閑之後，若遂忘報國，則何以自立于覆載之間。剴心殫。元期在佗日，宜天犯威。臣無任戰慄祈懇之至。取進止。御筆依已降詔，不允，不得再有陳請。

奏謝劄子

臣比緣瘡腫，頓覺衰羸，兼恐從駕過宮，乘騎未得，是敢籲天有請。願遂投閑恭值。皇帝陛下日御金華，憲章寶訓，念臣昔叨侍立於開講之始，忝今進讀於終篇之時。疊頒詔音，未許其去。恩私加厚，糜隕難酬。臣謹當遵稟聖訓，直俟榮觀盛禮之後，別伸丹悃，謹先具劄子奏謝伏乞。睿照。辭免參知政事劄子

臣今月十七日准尚書省劄子奉聖旨除臣參知政事，特降中使宣赴押都堂治事者。成命初傳，衆聽俱駭。微臣自度，兢惧

可知臣仰惟皇帝陛下宵旰圖治規恢大業謂凡立政造事折衝消萌無非以人才為本故雖有列于朝聖心固不遴選而况附股肱以承元首禪棟梁以安大廈號為執政非他官比選用之際豈容或輕伏念臣以童句腐儒叨塵侍從受恩踰於山岳圖報微於絲毫揣分量能方祈罷免敢圖殊擢躡政機是使餅罌之器汲萬斛之泉疲駑之負千鈞之重其滿溢顛覆可立而待也伏望聖慈察臣么麼不可大受亮臣惓惓非曰小廉別求真才庶免公議且國朝進二府固有論定而亟改制出而復收蓋以選衆為重而反汗為輕也冒輸危懇必冀矜從臣無

任懇祈激切俟命之至取進止

不允詔

崔敦詩撰

勅某省所奏劄子辭免參知政事恩命事具悉蓋聞至治之世俊乂在工下及虎賁趨馬左右攜僕罔不惟正之擇濟濟之風民視以化而况二三執政之臣圖翊大務考審所與其可以輕朕楸師古道以卿智器雅厚機神穆遠沉潛經德之粹鮮明固守之節揚歷二禁藹然日章肆庸應嘉爰究爰度宜疑之事登陪政塗朕之用卿迹觀已素卿其思報奮勵所為毋事為文而留免令所辭宜不允

辭免叅知政事表

臣某言伏蒙 聖慈以臣辭免初除叅政事恩命特降 詔書

不允者凝丞任重方陳控避之言神聖恩隆遽下往諧之詔揣

分知逾於始望輸誠敢緩於終辭 臣其中謝伏念臣猥以孤生

際於興運久趨龍尾親依日月之光盡上螯頭畏懼雲霄之逼

顧材力何禫于當^守乃眷知特異於在廷駭進用之非常殆周

章而失措蓋禁^論思之責尚惕若以難安矧政塗密勿之機

出 參預伏望 皇帝陛下知人克哲徧物舜仁念愚臣

之靜言或違於用思治世之先務莫急於賢別求四近於具瞻

毋為一夫而輕假 臣若得始仍舊貫弗玷新榮則當精思竭慮

於翰墨之場履正奉公於銓衡之地庶鼎洪造抑遂素心 臣無

任祈天俟命激切屏營之至謹奉表陳免以聞

批荅 崔敦詩撰

朝

省表具之朝廷延登常取群望 廊重任宜聳具瞻楊綰用而宿

貴改觀王陽進而善士生喜朕選建碩輔翼宣大^敵國皆曰賢

政將焉避初終有守本末無疵以其^續密而栗可以參訐謨以

其中正而通可以經丕務俾鐸銓管遂躋柄塗人之信道固將

有行國之用儒時乃維允猷為茲始遠近所觀方朕衷委重之

意深亦衆志望賢之責備勉摠素蘊汔濟熙圖謙避之章止毋
來止所辭宜不允仍斷來章

批荅曰宣

朕選求人望參翊政幾當成命之方行已僉言之維允亟恢賢
業畧謙章

謝參知政事表

臣某言伏奉 告命除臣參知政事具辭免伏蒙聖慈特降中
使賜臣不允批荅仍斷來章者論思無補益退屏於立園圖任
有加俄進陪於廊廟幸辭弗獲冒處為慙臣其中謝臣竊觀歷

代人材之興全繫時君心術之致未有蛟龍翔而雲霧不應未
有元首明而股肱弗良事漢宗臣皆秦室無聞之吏吳唐碩輔
率隋朝未遇之人上既有任賢使能之方下固多奉令承教之
佐患弗求耳夫何遠而矧堯舜之相傳宜夔龍之接武豈無俊
傑可助弼諧如臣者器識卑凡藝能謏薄幸遭逢於初政蚤塵
汗於近班 陛下非不作成而臣無可教之質 陛下非不策
勵臣而有弗移之愚然猶處 詞禁之高華試以文昌之繁劇
每示卷番之寵屢 進用之 蓋言覆博之中舉無棄物而照臨
之內悉耀末光是容一介之臣亦綴三卿之後腹心所寄項踵

奚爾茲蓋伏遇 皇帝陛下聖哲生知德功日起五帝其臣莫
及方獨運於宏摹四方宣力汝為抑旁資於協濟既將博採寧
免兼收顧慙極陋之資恐負延登之意臣敢不勉殫厥力思稱
所蒙禹臯稷之三謨難窺大訓韓范富歐之四傑或企前修臣
無任

謝太上皇帝表

臣某言奉伏 告命授臣叅知政事者朝有四鄰實聞國論臣
無一善虛冒恩除揣愚分以非宜愧師言之弗稱臣某中謝伏
念臣奮身下土竊第 年自入仕於畿即受知於 聖鑒奎坡

閣

召試金口褒揚許以能文欲其掌制之機助廟堂之上番滯甘
館閣之中會甚察之闕員簡宸衷而親擢俄逢堯禪獲際寧華
茲蒙 達之徧歷禁嚴之地方虞幽黜也誤明揚越繇侍從
之聯躡造擬丞之列雖含生之類夙仰戴於陶成然太極之功
終莫窺於運用茲蓋伏遇光堯聖壽憲天體道性仁誠德經武
緯文太上皇帝陛下仁參列聖道婉三皇稟德謙中治定功成
而弗有怡神聞燕天長地久以無疆俯眷孤蹤容恢洪造臣謹
當靖共厥位精白迺心思重丘山曷效兩宮之報誠堅金石第
祈萬壽之延臣無任

謝東宮牋

某言先準 告命除叅知政事已於今日五日朝謝訖者青宮
家職久進侍於淵冲黃闈聯班忽冒膺於宸渥用踰分量愧極
心願其中謝伏念某學不足以知方才不足以應務平生艱拙
已絕望於功名中歲遭逢乃參華於侍從 省之任時謂政塗
之階猥以庸虛濫 攝夏弦春誦拭目於六年日就月將常
傾心於三善顧特遇獨加於流輩知薦揚時達於睿聰是使迂
儒亦聞大政材如社木疇可助於棟隆味若野芹顧何裨於鼎
寶凌兢拜命俯偃懷慙茲蓋伏遇 皇太子殿下恭敬溫文聰

明淵懿進而侍膳懋忠孝之宏規居則談經洞古今之要理每
孜孜於善士尤眷於下僚建此超踰若為稱塞某敢不悉其志
慮濟以端良羽翼自成昔固慙於園綺股肱汝作今尚勉於夔
龍謹奉牋陳謝以聞

辭免正謝賜衣帶鞍馬劄子

臣蒙恩除叅知政事今日五日正謝又蒙聖慈賜臣衣金帶魚
袋鞍馬竊惟賜服所以旌有德錫馬所以待有功而臣供職之
初已經宣賜謝恩之日復冒匪頒豈容兩旬而忝再命禮雖從
厚心實懷慙伏望 陛下察臣僥倖已多念臣滿盈是惧可以

無使之少安特降指揮追還所賜臣無任惶懼俟命之至取進
止
辭免兼勅局劄子

臣準尚書省劄子以叅知政事錢良臣辭免兼職三省同奉
聖旨差臣同提舉勅令所者臣承詔惕息罔知所指竊惟執政
之兼書局無定例同升或容分領未至奚必曲成今者良臣陳
義甚高過於謙損臣若汗顏代斷獨愧不晉人其下皆孫之語
乎况臣鄙樸無能超踰已甚律設大法情然弗知將何以助陛
下三章之約替相臣畫一之講今蚤已嘗面奏天聽未回頃至

再有陳免伏望 聖慈矜臣惶恐不自安之意特降 睿旨俯
從所請許仍其舊臣無任懇迫俟命之至取進止

御筆批降不允

不允詔

勅某云云事具悉朕觀國朝循唐舊制凡刪定律令必以廊廟
之臣頷之示不敢輕也卿以經述潤皇猷以智畧斷國論宜以
餘力訂吾丹書况今倚任大臣總正諸事宏章鉅典各奏厥成
卿獨袖手於其旁可乎所辭不允

生日詔

勅其金行澄瑛玉管流商氣鍾河嶽之英時作邦家之輔爰推
賜式俾介壽祺今賜卿生日羊酒米麵等具如別錄至可領也
故茲詔示想宜知悉
羊二十口法酒一十餅法糯酒一十餅糯酒一十餅粳米一
十五碩麵一十五石

謝表

臣某言伏奉 詔書以臣生日特降中使賜臣羊酒米麵者位
懸丞轄方豫亨於堂封戶紀桑蓬更鼎來於臺饋息私厚甚報
效茫然臣其中謝洪惟明盛之朝春是贊襄之列記其生育被

以寵光詔隨勅使以及門賜出天庖而充宇惟才堪大任斯不
負於養賢惟家有嚴君乃或申於養志臣於二者舉無一焉尸
素積年每愧河檀之刺羈孤多難久纏風木之悲敢圖賚予之
榮加青勳勞之日茲蓋伏遇 皇帝陛下惠綏庶

品優遇適臣既醉太平俾與君子之行為羨嚮士固異賤官之
常所慙駕銳之姿莫稱餼牽之禮千鍾弗洎思親養以無從一
飯必酬况

君恩之至重毫分可報糜隕奚辭臣無任

早災待罪劄子

臣竊見邇來諸路多以旱告。陛下焦心勞思，可為格天祐民。無所不用其至，而時雨未降，歲時可虞。豫政之臣，自當均任其咎。按慶曆春旱，治平水災，恭知政事宋庠、丁度、趙堅、歐陽脩，或特從貶降，或上自劾，民言可畏，故事任明。臣適於榻前，已曾奏知，今更不敢入局治事，見近出僧舍待罪，伏望聖慈，顯行黜免，改用賢雋，以召罪氣，取進止。

不允詔

勅某云云，其悉朕惟治有大虧，斯上千陰陽之變，君為元首，豈咎專股肱之臣。迺者慘氣浸蕃，時澤弗効，湯功莫戒，民氣罔孚。永言致盭之繇，方切在予之責，卿屬參知政事之選，宜供圖銷復之原，奚為抗章援故去位。夫祖宗之制，施置之宜，慶曆雖畧循漢氏之前，尋治平固無取永平之咎。惟勉思報國之誼，副朕之誠，所請宜不允。

乞罷黜表

臣某言伏蒙聖慈，以臣引愆待罪，特降中使宣押，臣隨班起居奏事，畢赴都堂治事，仍降詔書不允者，伏以上帝垂恩，每篤農夫之慶，下臣失職致興旱魃之災，雖春臨未置於嚴科，在譴罰具存於故實。臣其中謝伏念，臣本繇薄枝，誤結知曾微。

一善之可稱夫豈四鄰之敢望肩膺擢任常切憂虞永惟上聖
之屬精穆卜群賢而佐理旋觀近歲浸底泰和無愆伏之陰陽
有豐登之稼穡自夏秋之際頃貽霄旸之勞雲屢密而復開膏
每心而未博職臣驟進召此早祥雖日淺位卑敢遽于於大戾
照天時人事似深譴於微臣願以身當庶其衆允伏望皇帝陛下
下仰稽天意俯察民情毋嫌大用於前而廢小懲於後致和消
沴必為三日之霖進善黜凶允協萬邦之望臣無任祈天俟命
激切屏營之至謹奉表陳請以聞

再乞罷黜劄子

臣昨以雨不時若嘗具奏乞行黜責伏蒙 聖恩特降中使宣
押隨班奏事臣惶懼感激莫知所措竊伏惟念才薄德輜驟膺
晉擢既於人望有所弗協則夫設施議論見於協贊者必多繆
盭以上干陰陽之和昔東海太守斷獄失平猶成旱歲况臣連
班二府豫聞機政積其瘵曠致沴可知不在乎位序之崇卑任
事之久近也伏望 聖慈察臣不敢自恕矜臣無所逃刑早降
處分特從罷斥干犯 威尊伏地震栗取進止

御筆

卿等存陳章奏欲乞罷政事具悉君臣同德以格天心可也而

陰陽不和，專咎輔弼。此漢之制，朕所不取。今偶亢旱，時雨未降，正宜講明闕政，以召和氣。乃遽求去，豈朕所望哉！當安厥職，所請宜不允。

東宮賀冬牋

魯觀占雲，知豐年之習吉。周圭測景，驗化日之彌舒。百順備於皇家，多祥業於儲極。中賀恭惟皇太子殿下，凝姿聽哲，毓德溫文。東學時修，嗜詩書之至樂。重親日侍，邁忠孝之永圖。茂臨亞歲之辰，均衍萬齡之慶。某久鸛林禁密，跋龍門家國安榮，喜冠古今之治。陰陽消長，諒同天地之心。欣頌居多，瑋瑋徒費。

歷官表奏卷第四

皇極經世一
皇極經世二
皇極經世三
皇極經世四
皇極經世五
皇極經世六
皇極經世七
皇極經世八
皇極經世九
皇極經世十
皇極經世十一
皇極經世十二
皇極經世十三
皇極經世十四
皇極經世十五
皇極經世十六
皇極經世十七
皇極經世十八
皇極經世十九
皇極經世二十
皇極經世二十一
皇極經世二十二
皇極經世二十三
皇極經世二十四
皇極經世二十五
皇極經世二十六
皇極經世二十七
皇極經世二十八
皇極經世二十九
皇極經世三十
皇極經世三十一
皇極經世三十二
皇極經世三十三
皇極經世三十四
皇極經世三十五
皇極經世三十六
皇極經世三十七
皇極經世三十八
皇極經世三十九
皇極經世四十
皇極經世四十一
皇極經世四十二
皇極經世四十三
皇極經世四十四
皇極經世四十五
皇極經世四十六
皇極經世四十七
皇極經世四十八
皇極經世四十九
皇極經世五十
皇極經世五十一
皇極經世五十二
皇極經世五十三
皇極經世五十四
皇極經世五十五
皇極經世五十六
皇極經世五十七
皇極經世五十八
皇極經世五十九
皇極經世六十
皇極經世六十一
皇極經世六十二
皇極經世六十三
皇極經世六十四
皇極經世六十五
皇極經世六十六
皇極經世六十七
皇極經世六十八
皇極經世六十九
皇極經世七十
皇極經世七十一
皇極經世七十二
皇極經世七十三
皇極經世七十四
皇極經世七十五
皇極經世七十六
皇極經世七十七
皇極經世七十八
皇極經世七十九
皇極經世八十
皇極經世八十一
皇極經世八十二
皇極經世八十三
皇極經世八十四
皇極經世八十五
皇極經世八十六
皇極經世八十七
皇極經世八十八
皇極經世八十九
皇極經世九十
皇極經世九十一
皇極經世九十二
皇極經世九十三
皇極經世九十四
皇極經世九十五
皇極經世九十六
皇極經世九十七
皇極經世九十八
皇極經世九十九
皇極經世一百

歷官表奏卷第五
周益文忠公集一百二十六

淳熙八年

東宮賀年牋



周重端辰誕布始何之吉漢尊獻歲具嚴元會之儀繫我儲明
受茲帝祉中賀恭惟皇太子殿下重光映日前曜拱辰玉佩
朝春稽首未央之殿班輪扈蹕稱觴德壽之宮惟慶賀之交修
殆古今之鮮儼自協天人之祐永同家國之休其叨預政機夙
蒙恩遇府開天策常夢想於英游苑立思賢尚陪阻於班謁其
為頌詠曷罄敷陳

辭免劄子

臣準尚書省劄子。四朝史志成書以臣經修奉。聖旨特轉一官者非常之恩。承命惴恐。臣竊以翰墨策勳。固書生之榮。願必當其功。乃或無愧。而臣積緣幸會。蚤被獎擢。二十年間。史四職。含毫閤筆。既惕歲時。曾不能鋪張列聖之德業。參定書信之凡例。移官累月。方上奏篇。向非閩臺英亮。悉心論纂。則汗青之日未可期也。臣得免疇昔瘵曠之戾。為幸已多。而何賞慶之望。敢豈謂。皇帝陛下。憐覆之仁。有生者溥及。雨露之澤。近天者先濡。特令增秩。以示眷寵。雖功疑惟重。賞寧過僭。乃聖主厚

下之意。然因人成事。無功受祿。槩之古誼。臣何敢安已。嘗面控忱詞。茲用荐陳。危懇伏望。睿慈俯賜矜察。明詔攸司。還誤寵免。至再三之瀆重。干淵聽。臣無任感激惶懼。俟命之至。取進止。不允詔。

勅某省所奏劄子辭免以。四朝史志成書。曾經修特轉一官。息命事具悉。朕緬惟神祖。適駿先猷。維時史臣。咸極妙選。照方修而曾鞏。遽釋其任。既成而獲頌。弗預於息。乃知名儒宗工。宣勞載筆。任而久久。而成茲亦昔之所難也。卿高文大冊。博識洽聞。追迹二臣。固已有光。向者四人承明。咸典斯事。網羅囊括。用

力最多。今釋簡冊登廟堂。曾不淹久。成書未上。不其榮乎。答翰墨之成勞。侈儒術之亨遇。一階例進。予猶歎然。遜避之章。所毋庸至。所辭宜不允。

再辭表

臣某言。伏蒙聖慈。以臣辭免。經修四朝史志。轉一官。恩命特降。詔書不允。者奏牘上聞。謂青之無補。詔丞中。錫愧情。素之未伸。敢憚勞辭。冀回誤賞。臣某中謝。臣竊以參照近弼。特異庶工。職在彌縫。既無日成月要之可考。思隆體貌。又豈年除歲進之足圖。間因典策之脩。或陟階勲之峻。蓋疇久次。且表殊知。

如臣者。豫政非才。閱時且淺。論新功則未效。紀舊績則尤疎。雖嘗執簡以搖毫。其實濫中而竊吹。馬融三入東觀。謾誇漢代之至榮。知幾屢為史臣。莫就唐朝之大典。值成書之進御。公故事以申恩。返覆思之。叨踰甚矣。伏望皇帝陛下。舜明察物。湯知懋功。諒臣品秩浸高。難復假名。器之寵念。臣曹既易。豈應分鈞。槩之勸濬。發俞音趣。收前令。使朝廷之上。無貪榮徵幸之機。則海寓之間。有識分興廉之俗。庶共扶於公道。寧專遂於私心。臣無任祈天俟命。激切屏營之至。謹奉表陳。免以聞。

批荅

省表具之。朕鑒於往昔，咸重史臣，覩厥成功，率惟久任。張華尚
誇於再至，將又嘗越於十年。當時推榮，後世稱美。卿懿文華國，
雅望表民，自窺典籍之藏，逮聽星辰之履，咸專載筆，遂究長才。
力倍群英，功先衆作，爰優班於息典，奚固執於謙規。俾下多興，
廉識分之風，雖可嘉於卿志。將國有吝賞廢勞之舉，亦殊失於
予心。當即欽承，毋庸重請。所辭宜不允，仍斷來章。

謝轉官表

臣某言伏奉 告命特轉一官，加食邑，食實封，尋具辭免。伏蒙
聖慈，特降中使賜臣，不允批劄，仍斷來章者。述四朝之史志，夙

愧瘵官陞三品之文階，今慙誤寵，祇告絲綸之下，凜如淵谷之
臨。臣某中謝。臣伏以爵秩之遷，朝家所重，或赴功趨事，內殫夙
夜之勤，或禦侮折衝，外竭封疆之力。於焉錫命，斯謂陟明，豈容
尸素之人，越晉高華之序。如臣者，奮繇詞藝，久綴班聯，既微汗
馬之勞，又匪屠龍之筆。明承三入，忝冒為多，甘茂入官，貪饗已
甚。逮茲拜賜，殊覩以顏，此蓋伏遇 皇帝陛下，覆天群臣，日新
庶政，功疑則厚，弗矜虞舜之聰明，賞信為廉。總漢宣之名實，寧
使匹夫之僥倖，不令一善之遺忘。臣於斯時，遂玷殊渥，官崇祿
厚，未知稱塞之方，恩重命輕，惟並言捐糜之報。臣無任

謝太上皇帝表

臣某言伏奉 告命以臣經修 四朝史志特轉一官者充位
凝丞未宣廼力策勳翰墨又進厥官懇避無從叨踰有覲臣某
中謝臣伏以六十載貽謀之志億萬年傳信之書屢易星霜甫
成卷帙而臣昨在紹興之際嘗蒙 上聖之知以書林是正之
官兼史氏編摩之職逮今二紀被遇 兩朝幸嘗秉筆以周旋
敢覲終篇而尊奉晚陪機政獲預榮觀賴先儒筆削之功在賞
慶褒崇之教維茲忝竊良以震驚此蓋伏遇 光堯壽聖憲天
體仁誠德經武緯文太上皇帝陛下盛德備躬至仁及物道包

衆甫雖蕩蕩以無偏天覆群倫每恢恢而不失凡在含生之類
孰非受賜之人顧方高蹈於希夷何以仰翊於造化臣敢不勉
殫忠盡圖稱息居慙班范之才何裨潤色幸際勳華之主請祝
壽祺臣無任

謝東宮牋

某言伏奉 告命以某經修 四朝史志特轉一官者政塗竊
位何補於大猷史局奏篇誤陞於崇秩凌兢拜命俯仰包羞某
中謝惟 四朝仁聖之相承有五紀施設之可考禮樂政刑之
畢舉堪與夷夏之兼該分職設官在更張而不一整軍經武於

制度以充詳必能發揮既往之規摹乃可昭示方來之準則允
資鳴筆庸訖鉅編既閱歲以滋深宜成書之來上而其曩繇推
擇嘗預討論正觀修書愧德茶之為首知幾司籍慙唐史之未
成逮錫賞於公朝例叨榮於寵教茲蓋伏遇 皇太子殿下學
探聖域性廣仁端入奉慈顏方問安於有求出臨講肆每進德
於無疆俯念孤蹤久陪末屬借以庇存之賜致茲優渥之恩青
地深嚴雖阻瞻於暉潤丹心激烈尚圖於報知憐謹奉牋陳謝
以聞

臣等同趙相已下霖雨待罪劄子

臣等仰惟陛下民愛物動合天心宜獲休證以符 聖治乃
連月以來罕遇晴霽致傷蠶今復霖雨過多秧種將損是皆
臣等熨調無術有干和氣苟或怨人言謂何伏見 仁宗朝慶
歷春旱宰相陳執中參知政事庠丁度各降一官臣等恐謹宣
押不敢家居待罪欲 聖慈稽用故事將臣等先賜貶秩然後
罷黜庶幾天意回而咎證銷少寬宵旰之慮臣等無任惶惧俟
命之至取 進止

不允詔

勅某省所奏劄子以霖雨過多吃先賜貶秩事具悉屬者沴雨

過常燬氣弗效惟政教之多闕致陰陽之干和所賴爾臣文備
庶治遽形咎謝未體朕心勉燮序之令圖導善祥於不日副子
厚望茂迺聽猷所乞宜不允

再乞罷黜劄子

臣等昨以積雨未霽害于麥禾輒援本朝故事乞先賜貶秩然
後罷黜伏蒙聖慈矜存倫至詔諭愈勤臣等何戴隆私恨
未有捐軀之諾可報萬一惟是賞罰二柄理難偏廢臣等誤叨
簡擢服在近司平居則安享異數間遇典禮又皆首被慶賞今
者輔政無狀陰陽不調聖心焦勞民庶咨怨瘵官之責將以

感

諉誰容其自效已是寬典罰又弗加失刑甚矣何以弭災抑何
以塞人言何以勵何以庶安厥位此臣等所以連章瀝懇不敢掉
煩瀆而遂已也伏望陛下赫然剛斷賜以黜幽既舉合於太
公自感召於和氣應天之實莫大于斯干犯威尊臣無任激切
俟命之至取進止

苑獨負與致妨廢職事重速罪戾欲望聖慈念臣賦分涼薄
受祿滿盈馴至災屯將遂隕越特畀外祠或待闕下下使之保
全餘生他日苟未墮溝壑尚當粉骨碎身仰答鴻造壹犯天威
罪在不赦臣無任震慄俟命之至取進止七月一日午時入當

時拙此依已降詔不允不得再有陳請

第四乞在外宮觀劄子九月二日

臣虔輸肝膽上瀆宸嚴哀誠所迫不暇文飾伏念臣才無寸
長性復懦弱既不能趨事赴功期表見於斯世又無崇論宏議
可裨聖時之萬一獨蒙陛下長養成就屢加拔擢浸極清華
之選天地厚恩未知所以報塞乃自今春以來心氣舊疾月增
日益自度不能任職輒敢頻數請外聖恩過厚訓諭至于四五
雖眷待當名世臣其禮不過如此臣是以貪戀榮寵尚適遲回
近見一二侍從相繼遂請乃知臣前者陳辭不力未能仰動天

聽妨賢竊位為罪滋大今朝廷推行內外迭補之制如臣叨塵
猷炮之均福誓殫忠盡圖報眷憐臣無任

乞序位李彥穎下劄子七月十五日

臣嘗考國朝故事侍從而上或偶舊人再入其序位多在見任
人之上非獨重朝廷之體亦以興廉遜之風伏見叅知政事李
彥穎數年前已位二府今者再入臣合在下理無可疑伏望
睿慈特降處分以憑遵守今取進止

第二劄子八月初十日

臣適具奏乞序位在李彥穎之下緣欲降附三省未敢盡述底

後

李彥穎下
在後當移在

罷退劄子

蘊伏見熙寧二年文彥博以舊相為樞密使臣升之初拜掌司
 神宗用天聖故事特令升之仍位彥博之下雖王安石力沮彥
 博收回成命然詔書具在 聖意高遠非安石所能知也夫事
 相樞密使位序有差國朝尚且迭為先後况同是參貳班列一
 等謂如元豐以後同知樞密院尚書左右丞或互有除改則位
 次不易其來久矣臣之未至自應在彥穎先進之下尚復何疑
 至於侍從之類其例旋華要越二十年昨絲翰死存歷八坐深
 惟踰分屢丐退開 陛下眷晉再三德意隆厚未知稱塞彌劇
 兢危旋冒選除進陪二府恩私之重何啻丘山所願殫竭疲駕

少效萬一而才分所局鞭策不前邦國大猷固非所任簿書細
 故亦復何裨晝度夜思憂慙罔措徒以叨聯四近稍繫觀瞻出
 處之間不容率爾素餐口祿遂踰二年竊位妨賢罪則多矣加
 以年衰氣索百病交攻頭目眩昏腰足酸楚半月前又因飯冷
 暴下一伏時方止緣此愈覺疲憊不能支吾福過災生理應如
 此當 陛下屬精之日豈臣子懷安之時其如疾恙侵凌於心
 實不遑處躊躇累日冒昧以言伏望聖度優容皇明委照念其
 侍奉之最久矜其膂力之驟憊許解政機俾歸田里重任既釋
 憂心自寬庶以餘生永陶 聖化捐軀徇國期在異時冒瀆威

尊臣無任云云奉

御寶批降詔不允

不允詔

勅某云云具悉廊廟近臣朕所與朝夕圖回以儀天下之政者

也其可以歲月久近議進退哉卿涵德淵虛蹈道時敏登朝歷

務細鉅必為宣翼之勤克厭朕志底書求去覽觀謙然古者大

臣皆務其方以敦其節則群臣莫敢不且修身行以稱大體朕

所嘉賴人且爾瞻徃宅厥常益顯無躬之間所請宜不免

乞罷政表 二十七日

臣某言伏蒙 聖慈以臣乞解罷機政特降 詔書不允者晉

叨三接久冒處於高華退止一辭合開散恭成温詔尚

閱俞音感已極於肺肝情存殫於烟幅臣其中謝伏念臣奮絲

孤遠親際 聖明以鈞擊厲儒而居侍從之聯以斗筭小器而

備凝承之烈心固知其冒昧人共指其僥踰矧虞德之日新舉

臣工而風動凡服采班行之內兢赴事功豈參華廊廟之間乃

令尸素類年惴惴竊位容容上負九重之知下貽多士之誚積

茲愧醜成此病衰晝眩腎以廢殫夜怔忡而忘寢足弱良於趨

走腰頑殆困於屈伸雖欲強顏苦為陳力用仰干於旒宸祈退

及於田間而天語鼎來篤眷番之意王人押至除體貌之恩夫何極陋之姿有此殊常之寵可能知勉安敢執迷顧念所居之官誠非自恕之地若坐漏西遭之謫恐難逃東市之誅今雖似於身謀實亦稍存於國體伏望

皇帝陛下廣乾坤之量推父母之慈念臣遭遇於初元許臣保全其晚節及公言之未至諒素志之無佗聽解政機俾安愚循名實已責無補於聖時觀過知仁猶冀不妨於賢路輸誠深切從欲是期臣無任

其不允詔

勅某云具悉卿精誠造微懿文合雅久服淵雲之侍從進揚魏邴之謀謨正資儒者之在朝難託謙文而避位其承素倚宜弭來封所請宜不允不得再有陳請

乞通進司收接文字奏

右臣近緣陳解罷機政蒙聖恩指揮通進司不得交接文字今來仰體

聖意已供職訖合有謝劄緣未奉

聖旨有司未敢通進欲望聖慈特賜處分便令進入謹錄奏

聞伏候 勅旨

清

賜生日詔書

勅某秋物澄陰纏對望惟鈞途之俊哲降神嶽之粹靈特興
牢頌俾延家祉今賜卿云云

謝表

某言伏奉 詔書以臣生日特降中使賜臣羊酒米麵者獻名
州史永慨餘生拜賜家庭增光末路屬饜雖幸浮食知慙臣某
中謝伏念臣拔起窮閭過尸榮祿糟醕是醉敢妄意於天將永
藜覓充猥參和於鼎鍊矧年飢用不足之際豈食求飽居求安
之時乃因時育之辰更冒分甘之寵茲蓋伏遇 皇帝陛下仁均

覆燾恩厚臣鄰每因儀物以示誠豈為庸駕而廢禮申以光華
之使責之溫厚之言式示隆私寧專故實貪于飯食懼饕餮之
干誅俾爾壽域愧敵炮之均福誓殫忠盡圖報眷憐臣無任

乞序位李彥穎下劄子七月

重前

臣嘗考國朝故事侍從而上或遇舊人再入其序位多在見任
人之上非獨重朝廷之體亦以興廉遜之風伏見知政事李彥
穎數年前已位二府今者再入臣合在下理無可疑伏望 睿
茲特降處分以憑遵守今取 進止

第二劄子 八月

臣適具奏乞序位在李彥穎之下緣欲降付三省未敢盡述底蘊伏見熙寧二年文彥博以舊相為樞密使陳升之初拜司神宗用天聖故事特令升之仍位彥博之下雖王安石力沮彥博收回成命然詔書具在聖意高遠非安石所能知也夫宰相樞密使位序有差國朝尚且道先後况同是參貳班列一等謂如元豐以後同知樞密院尚書左右丞互相除改則位次不易其來久矣臣之未至自應在彥穎先進之下尚復何疑至於侍從之類其例尤多慶曆五年楊察再知制誥同僚張方平等上言察係再入請班居上有旨從之紹興以來猶有用此例者若是偶未思索或不暇檢閱典故猶可襲常蹈故臣既心知其然儻不自例則欺罔之罪大矣臣竊恐來日立班相妨本欲權免參朝一日又慮外議不知此意安有傳說遂復不敢欲望聖慈宣諭閣門許臣班彥穎之下庶幾於義稍安臣素陛下恩憐乃敢彈竭悃幅伏取進止

辭免知樞密院事劄子八月

臣伏蒙聖慈除臣知樞密院事特降中使宣押赴院治事者臣聞命宸惶罔知所措臣竊以西樞分職兵柄在焉本朝雖委用儒臣亦須有文武才畧識華戎事體望實素為中外所信服

者然後舉而用之乃能副注倚俯協公議如臣不肖論迂而性拙徒以童句之學久被簡知服在論思已為忝冒驟參機政彌愧超踰敢意誤息進籌帷惟維陛下聖謨獨運神武布昭執事之臣不過稟訓飭於上行文書於下縱彈薄技難企清光然而官匪其人國家奚賴才不稱位有衆何觀祇竭忱誠仰祈鴻造冀回渙渥改授英才俾仍舊班免貽非據之誚其為榮幸殆與進擢均矣干冒宸宸臣無任云云

不允詔

勅某省所奏劄子辭免除知樞密院事息命事具悉朕惟以儒

臣某言伏蒙聖慈以臣辭免新除知樞密院事息命特降詔書不允者左轄瘵官宜首加於幽黜右樞分職敢處冒於顯除雖尺一之頒理不可違然再三之瀆亦誠難矣臣其中謝且竊以本兵地要率屬選高觀累朝之求賢既明主之顧俊或取猷彌劬擢繇政席晉長機庭賀沈心善照之謀濟厭難折衝之效是惟次陟毋事冲辭所辭宜不允

辭免知樞密院事表

臣某言伏蒙聖慈以臣辭免新除知樞密院事息命特降詔書不允者左轄瘵官宜首加於幽黜右樞分職敢處冒於顯除雖尺一之頒理不可違然再三之瀆亦誠難矣臣其中謝且竊以本兵地要率屬選高觀累朝之求賢既明主之顧俊或取

其久更師閫，遂圖任而弗疑，或為其常貳機，廷越進遷而示寵。故望以徊翔而加重，智因練歷而愈明。試可若斯，僉諧必矣。惟臣之懃，無一而宜，所窺者皆古昔之陳篇，所供者不過簿書之常守。心豈識軍戎之要，足未趨宥密之嚴。二柄之昨分，乃一朝而躡進。聖神在上，若為參前箸之籌，哲又滿朝，徒使愧後新之積。苟不力祈於避免，殆將立抵於譴阿伏望。

皇帝陛下以稽古之聰明，鑒用人之得失，收還誤渥，改授實能。天祐高皇，必有子房之決勝，人歸宣後，寧無吉甫之憲。邦罔俾愚臣，或妨賢路。臣無任云云奉御寶批降批答不允仍新來章。

批答 熊克選

省表具之，朕獨總萬機，分幹二柄，冢司不兼武事，有慶曆續定之規。宥府不帶使名，有元豐肇正之典。參舉故事，序升弼臣，卿寬裕而有容，開明而無滯道。能方古在臯陶稷契之間，文可作經。出太史莊騷之上，早編儀於華要，久預贊於幾微。晉典事樞，蓋協時論，何謙辭之確守，乃需奏之尚陳。其亟祗承，毋庸抗避。所辭宜不允，仍新來章。

口宣

有勅卿久陪天緯，進典神機。顧渙號之已孚，况師虞之允穆。亟

其祇命勿尚固辭。今差其人賜卿不允。新來章批答。想知悉。
謝表

臣某言伏奉 告命授 臣知樞密院事。尋具辭免。伏蒙 聖慈
特降中使賜 臣不允。批答仍新來章者。獨化陶鈞之上。天啟聖
謨。折衝樽俎之間。人需賢德。孰云庸懦。堪此選除。望惟幄以猗
徨。拜絲綸而慄慄。臣某中謝。臣聞兵布于外。是為牙爪。權歸于
中。實寄心腹。上下有相維之勢。古今存不易之規。廟勝所闕。才
難為甚。如 臣者。駑駘步官。培塿形卑。初非致遠之才。敢起升高
之念。而遭逢華旦。忝竊殊知。叨戴神機。徧歷清華之地。十年禁
橐。遂參輔弼之職。戴恩奚啻於丘山。論報未施於指滴。所期汰
免。何意褒遷。越絲黃閣之嚴。陞踐紫樞之峻。惟乃聖乃神之真
主。方高出於百王。豈不文武之具。臣可迭居於二府。懇辭弗
獲。祇受為慙。茲益伏遇 皇帝陛下。致急內修。策先自治。定中
圖大。既除道德之威。誥禁制革。不廢甲之問。姑緣入之猥。用臣
愚。臣敢不激勵壯心。贊襄先務。外攘夷狄。願觀復古之勳。載戢
干戈。尚覩垂衣之化。臣無任

謝太上皇帝表

臣某言伏奉 告命授 臣知樞密院事者。東西置府。對分軍國。

之權左右惟人協贊鈞樞之運猥容迭處良愧超遷臣其中謝
臣竊惟宥密之司安危所寄議論近陪於帷幄機緘迎解於疆
陲以充國之老臣尚艱踰度如魯人之肉食何有遠謀自非求
儒術之真安得制廟謀之勝如臣者起家一第隨牒四方疎庸
微稽古之勤昏鈍之過人之畧荷兩朝之見器偕多士之在
廷金馬玉堂既久司於文墨鸞臺鳳閣遂參穆於政機豈才名
烜赫之當然由歲月推移而至此曠職方期於薄責本兵更誤
於詔除借箸以籌何以仰符於上意假人器居然恐累於宸
思俯俸拜嘉忸怩就列茲蓋伏遇 光堯壽聖憲天體道性仁
誠德經武締文太上皇帝陛下冠冕百王而弗居其聖堪輿萬
物而不有其功無疆惟休坐銷金鑄之氣必得其壽永享玉扈
之歡謂時清非假於弼諧故質朽亦容於承攝臣敢不兢兢夙
夜勉勉幾微遠至邇安何取良平之策天長地久但祈堯舜之
年臣無任

謝東宮牋

某言伏奉 告命授某知樞密使者三年豫政難逃指目之譏
再命本兵益峻朕肱之列已伏龍墀而叙感重瞻鶴禁以知歸
其中謝伏念某才不逮人性尤忤物適有天幸獨蒙 上知靡

更州縣簿書之勞。即居者臺文字之職。仰昨親於三善堂坐閱於六基。始終獎予之殊。前後遷除之數。筆門圭竇。方僕被以丐歸黃閣紫樞。乃牽絲而徧歷。深惟負乘如履淵水。蓋茲伏遇皇太子殿下。天縱聰明日新。德業取士。欽才之切。蓋根本於誠心。問安侍膳之餘。每推揚於善類。致茲新渥。及乃舊人。某敢不思厲壯圖。期翦夙眷。信而好古。雖莫信東序之英。游從日撫。軍尚獲替北征之盛。舉謹奉牋稱謝。以臣

謝明堂加恩表

臣某言。伏奉 告命。以明堂大祀。加臣食邑五百戶。食實封三

百戶者。宗祀告成。一人能事。湛恩敷錫。四表懷心。曾是具臣。亦叨徽教。臣某中謝。恭惟 皇帝陛下。事親以孝。撫民以仁。無一念不存乎誠。無一事不洽于極。宵衣旰食。允矣克勤。公聽觀濟。

之好問。凡舜禹之德業。固皆優焉。如漢唐之規摩。殆不足進。水旱既弭。陰陽自調。躋民壽域之中。偃革遄亨之外。方且聖弗居。聖新而又新。思歸功於兩儀。用嚴配乎二后。乃稽三歲之制。乃盛九筵之儀。內殫一純。外備庶物。謁疑道祖。裸將太宮。齊明極其精專。拜跪忘其勞勩。庶事成備。諸祥畢臻。上馬歸昨於庭闈。下以均釐於普率。善無大小。齊予則同。罪無舊新。滌除則徧。可

謂古今之壯觀聖哲之成能而臣初乏禮官司存之勞又匪方伯職來之助猥預右樞之數僅參前導之聯而乃拜器幣於尚方耗金繒於外府僥踰已甚愧汗靡任茲仍徹於多田益增光於在列曾微十一之慮獨冒再三之歎榮大史之滯留彼奚不運錫康侯之蕃庶臣則何庸惟誓捐軀少圖報國臣無任

乞與王嘉賓換關劄子

伏念臣妻之兄從政郎王嘉賓昨於淳熙五年內授封樁庫監門待闕已及五年今夏當赴緣臣任參知政事慮有妨嫌即曾奏知乞令回避伏蒙聖慈宣諭左丞相准擇關對換繼與一般軍器所監門保義郎李保兩易訖臣尋蒙恩備數西府其軍器雖所屬御前却是審院使關緣此本人奉親挈累糜回累月以臣之故又復不敢交割在臣合與陳述伏乞降付三省施行輕瀆

宥嚴臣無任戰汗之至取

歷官表奏卷第六

周益文忠公集一百二十七

同施樞密以旱災乞罷黜劄子臣等仰惟陛下屬精

庶政惠養元元其於歲之豐歉無一日不軫宸慮此

固中外所共聞臣等所親見也今者夏秋之際時雨偶愆聖躬

焦勞天語惻怛脩己之誠靡不盡恤下之政靡不舉祈禳之典

靡不行宜格天休上副德意而膏屯未溥衆情嗷嗷臣等並典

樞機號為執政軍國庶務參裁其間既無以協贊修攘又不能

交舉職業積此謬戾遂干至和雖欲逃刑何以文過願加顯黜

玉警曠瘼庶銷旱祥可必豐歲臣等謹以出郊待罪伏乞

同益文忠公集卷之五

斷即賜施行無任慙懼俟命之至取進止七月十三日奉
御降批詔降不允

不允詔

勅周某等有所奏劄子為夏秋之際時雨偶愆乞加黜黜事具
悉蓋聞天人推精侵之交災異緣政教而起朕德不類亢陽錯
度者躬思咎監寐寤歎卿等擁樞贊微惟所以共御厥罰消弭
未形者宜雅知之務交修圖應天之實引愆避位豈朕所期砥
錫大忠孝臻休應所請宜不允

同二府乞罷黜劄子

特進左丞相冀國公臣王淮宣奉大夫右丞相儀國公臣梁克
家通奉大夫知樞密院事臣周其端明殿學士朝議大夫簽書
樞密院事兼權參知政事臣施師黜劄子奏臣等茲以燮理無
狀時雨不應上章自劾待命津亭伏蒙聖恩各遣中使宣押
歸第臣等迫於威命不敢固違屏息家居恭俟嚴遣豈容偃然
復入都堂治事欲望睿慈速降處分大正典刑既協輿言必符
天意臣等無任震懼懇切之至取進止

不允詔

勅王某等有所再上奏劄子以燮理無狀時雨不應乞大正典

刑事具悉。昔成湯桑林之禱，以六事而責躬。宣王雲漢之灾，於百姓而修行。蓋君人克己而上注，則天道隸忱而聽卑。固難飭應燮之文姑，欲有司之責。卿等選於群獻，式是百僚。靡動不宣，何以致常。賜之咎繇，朕不德無以厭上帝之心。所以避正宁而損茲訪羣言，而緝政度精厲，而致改用。因異而邁，休苟推過於弼臣。是忘祇於天戒，其思交儆。贊翼翼之機，猷尚格至和。達壺壺之歡樂，勉圖嘉績。宜緝未封，所請宜不允。不得再有陳請。

旱灾乞出表

臣某等言：近以雨澤愆期，兩奏具乞。賜罷黜伏蒙聖恩，疊頒

詔諭，所請宜不允。不得再有陳請者，伏以亢陽為沴，上軫宸心。豫政非才，不喧物論。既積難安之愧，敢稽自動之章。仰溫詔之曲留，俯危衷而載惕。臣某等中謝。臣聞雲漢之歌，宣后撥亂。所以去災。春秋之紀，衛侯興師。從而致雨，足驗歲年之豐歉。實關兵政之否臧。今臣等猥以斗筭參於帷幄，圖事經遠，有愧良平之腹心。愴威折衝，未還文武之境土。以此懃討中外之望，宜其干陰陽之和，雲上于天。至輟九重之宴樂，月離于畢。尚遲四野之霽霓，僉歸咎于具臣。合自拘於司敗，伏望皇帝陛下賞誅順帝視聽，從民察樸。檄之亡堪，本難近用。念蘊陰之為虐，當責

通僚或稍貸於斧斤姑斤還於里田雷霆之怒既震耀以不私霖雨其茲尚昭種之可必臣等無任

再乞出劄子

臣等竊惟聖心閔雨甚至農夫望歲至切而常暘為沴天意未回臣等雖蒙聖恩少緩誅斥再勅使疊下詔亟而震灼憂軫實難安職除已再上表陳乞外所有十六日以後立班奏事臣等不敢趨赴伏乞睿斷蚤賜罷出施行取進止

御札不允

比以亢陽為沴時雨弗茲答應之來其必有自乃貶食退次求言念愆思有以答天之戒所賴二府輔弼之良交儆不逮以導迎善氣而列章去求却而後上至于再三朕何望焉其安厥位益陳乃謀銷弭災變以副仰成之意故茲詔示想宜知悉

奏謝劄子

臣等伏為雨澤愆期再上表乞賜罷免特蒙聖恩寵賜宸翰燦照盈幅莫非禹湯臯己之言臣等相與誦歎震惧無地昔漢世每有災異必有切責丞相御史本朝故事亦以是降黜大臣今陛下則不然貶食退次詢求直言凡可責躬答天戒者無一不用其至獨于臣等則百方覆護屈撓常憲雖父母愛憐不

肖之子亦恐未寬怒如此臣等自當碎首捐軀圖報萬一惟是
才術駑下謀謨淺拙終慮無所施設以少副陛下仰成之意尚
容來日俯伏軒陛控叙危悚謹先具劄子奏謝伏乞 睿照

預辭生日牲餼表

臣伏見陛下以兩澤尚憇避殿減膳形於 詔旨臣檢位西
府方自劾失職席橐俟命竊慮有司以臣生日在近例降中使
匪頒生餼臣實不敢祗受欲望 聖慈預令寢免少安危懼取

進止

御批

還政引災已難詢請續齡錫慶何必預辭

生日詔

勅某任隆樞載望暎時宗屬金德之乘秋儲松靈而協吉特頒

康錫庸示汪懷今賜卿云

謝表

臣某言伏奉 詔書以臣生日特降中使賜臣羊酒米麵者門
設之孤日切劬勞之念庭瞻爾特豐燕飲之頒歎親養之無從
拜君恩而有覲 臣某中謝伏念臣丁年孤露晚歲遭逢揆初
度以興憐羨久生而奚益一自叨陪二府坐閱四期淺識寡聞

詎堪於設醴素食尸祿徒負於加籩矧當貶食之辰彌愧養賢
之誼需章預控敬伸體國之誠宸翰隨頒榮奉續齡之訓孰
云異數猥及微臣茲益伏遇 皇帝陛下盛德矜愚深仁厚下
謂昔選掄之已誤豈今禮遇之或忘紫漢敷言異其嗟之路食
黃封並灑可挹之天漿竊自省循若為報塞臣敢不仰御鴻施
俯屬孤衷愛之欲其生固難鼎天地之造食為急其事寧不
畏鬼神之誅惟誓捐身少逃阿遣臣無任

為二兄乞再任宮祠劄子

臣輒有私誠上干 宸聽臣有堂兄奉議即必端見係第二任
知縣資序昨授臣祠今年三月任滿欲赴部注擬聞偶值長兄
朝請即必違事故孤幼無人照管緣此不能前來坐食已八九
月未免仰祿歆望 聖慈特降 膚旨再差宮觀一任冒瀆天
威臣無任戰汗之至取 進止

東宮賀冬表

子為天統占書先十一之辰日軌巽維化國測夫三之景既兩
宮之受祉宜二極之同休中賀恭惟 皇太子殿下仁孝中極
英明外著進德遠超於啟誦承顏並事於勛華當今序之踐長
知壽祺之增永某叨塵右府密企東儲阻遙跡於賓階弟竭誠

於慶牘其無任

太子皇后慶壽賀 東宮劄子

其等仰惟 主上恢崇聖治祇奉親歡昨以郊年嘗舉光堯之慶禮今逢春日併陳文母之盛儀萬壽無疆四方來賀殿下以天孫之愛儲極之賢遠趨金殿之朝遂助玉卮之奉邦家攸賴簡冊增光其等不獲躬詣宮廷謹具劄子申賀伏乞全照

淳熙十一年

辭免樞密使劄子 六月

臣伏蒙 聖慈除臣樞密使仍降中使宣押赴院治事者思渥

殊常震惶失措臣竊觀本朝故事機廷置或使或知蓋因人才

之優劣別資望之重輕元豐肇新官制始刊使名雖有聖諭實惜之也自是四十餘年莫之或改建矣紹興間二揆嘗司兵柄亦不過曰兼知院事而已尋因舊相召還復令充使以示優禮其後或勳舊官至孤或忠賢名重帷幄間有除授而非積歲月之勞所能至也如臣疲輒不任職庸瑣非遠畧五年政路毫釐無補見朝士則頽面外覩聽輿議則心神內悸豈獨臣自知之固亦難逃衆目今乃以至劣之才而當至優之禮以至輕之望而尸至重之任如此而弗懼可謂愚人 伏惟皇帝陛下照臨

有赫必能察臣之悃幅覆載無私不可假臣以名器姑仍舊次
亟格新綸天祐聖君自生豪傑除名異數願少頌之冒貢忱詞
期於得請云云

不允詔

勅某云云

具悉東西二府分掌政枋宥密之地體均輔庭朕儀

圖真儒進莞否務疇其美續俾正使名所以崇本兵隆國勢也

卿以淵源宏奧之學濟魁壘光明之資折衝制勝謀于未形德

威隱然允契群望朕嘉賴焉乃申明陟特峻事權帷幄之籌實

用增重茲惟天下之公典朝廷所以倚尊安者卿烏得而辭乎

往其欽承以若予來所辭宜不允

辭免樞密使表

臣伏蒙

聖慈以

臣

辭免樞密使恩命降詔書不允者掌武斤

華具言不稱摛文有爛申戒弗俞既分義之難安在黷煩而敢

避臣其中謝竊以百僚序進俱侯有功四輔駮遷寧容無說雖

位不可虛者尚當弄印則官不必備者焉用空餐矧今機宥之

權自昔腹心之地陛下有武王之德而臣非闕散之才陛下

有高祖之明而臣之良平之畫不過疲精於簿書之內安能陳

力於廟廊之中徒以久被厚恩未伸薄技身已病而不敢言去

智已殫而靡自休。白首摧頽。懷壯圖而揚若丹心。激烈思未效。以茫然幸顯黜之偶。寬何明揚之輒冀。倣聞殊渥。良震危衷。借欲冒居。將如公議。伏望 皇帝陛下。睿聰委鑒。聖慮周思。念其所居何官。而其所付何事。既以誤加於甄錄。詎宜復假以使名。收享號於央揚。免煩言之嘖。有為臣不揚。方當俯念於興邦。惟帝其難。毋或上虧於能哲。臣無任

批荅

省表具之五兵之運。總於機廷。七德之經。本於儒術。若時宥宥之任。實倚岐賢之徒。卿名世環才。經邦茂業。淺脩端直。識詣高闕。自擬丞進。司樞要。夙宥匪懈。中外以寧。朕方攬髦傑。以建治功。救時幾。而集休命。疇咨俊望。顯有成勞。爰陟使瑞之崇。益觀廟美之勝。所冀翼亮懋建。於殊勲。奚務冲撓。更伸於遜。曠亟祗。渙渥庸眷。懷所辭。宜不允。

辭免樞密使第二表

臣伏蒙 聖慈。以臣再上表辭免。新除樞密使。恩命特降。中使賜臣批荅。不允者。囊封上達。懇還衣府之降名。緣詔中頒。飭遣左當之信使。耳方頃於報可。心乃媿於往諧。敢躋厚以終辭。期聽卑而遂允。臣其中謝。竊以朝分二柄。任屬四隣。雖文武並用。

常欲適平。然軍國異容。固難代置。苟其人之未稱。寧願位之或
虛。如臣者。資本腐儒。生逢昭代。誤簡優隆之眷。久叨清切之除。
以討論古今為官常。以綴緝詞章為事業。自惟淺陋。豈嘗軍旅
之間。何意選掄。亦預甲兵之問。一陪籌幄。再易歲陰。駕御英雄。
仰淵謨之莫測。經營宇宙。知獨斷之有餘。姑令省閱於文書。且
俾奉行於詔旨。叨踰已甚。獎擢何居。苟不量才力之難堪。直欲
冒寵光而弗避。是惟既患於得失。豈復能為於有無。况今爵秩
已崇。事權已重。若可致秋毫之補。自當殫辰告之猷。奚以進速
其顛沛。伏望 皇帝陛下。灼知情偽。熟察智愚。謂將得於天資。
儲精既久。念賢繫乎國體。注意尤先。勿使其臣更汙茂典。行惟
令而弗反。固千方命之誅。民所欲而必從。迄賴曲成之造。云云

批卷

省表具之。國家建右府以總戎。昭命儒臣而崇使領。蓋自太平
興國以來。憲具在。迄于今茲。必以宏才碩學。見聞殫洽者任之。
豈非兼文武之用。明政事之體乎。卿博通古今。德茂先覺。發為
謀謨。足以斷國論。措諸事業。足以恢政經。夙被簡知。延登樞近。
速備碩畫。宏益居多。乃疇已試之庸。申峻久虛之號。蓋將資精
神之運。懋勳列之隆。使四夷咸賓。萬邦底乂。茲為美報。安事回

辭其止謙勞亟從俞往所辭宜不允仍祈來章

謝表

臣某言伏表 制命授 臣樞密使加食邑一千戶食實封四百

戶累具辭免伏蒙 聖慈特降中使賜批荅不允仍祈來章者

職分柄兵久愧周功息陟使權益慙非據大矣雲天之地慙乎

淵谷之臨 臣某中謝 臣審觀聖朝之規摹備知軍制之嚴密宿

勁於諸衛內有本疆之威烈戍卒於三垂外無尾大之患以至

綦分州鎮星布將兵衆寡得以相繼適遐期於克 雖韶畧倚

之虎士而機權歸之柄臣故擇真才使當重任粵從南渡君念

北征扈行闕之衆不減承平心諸鎮之師 於往昔間有和戎

之利實非偃伯之時 益加多用常不足歲殆更於五紀人咸

僎於中興然而宿將消磨每艱於選授後生雜選罕歷於戰功

勤勤肝仄之咨切切規煖之志允資廟筭協暢天聲 臣於斯時

猥備近列之尋常之責效幸 一之遭逢以股肱而康未殫忠

力用腹心之傑敢有冒竊榮當明制之誕頒豈遜亟而丐免莫

回成渙祇忝鳴息茲蓋伏遇 皇帝陛下德紹祖宗量包夷夏

其莫及自廣運 神不備求務兼容於巧拙遂令孱瑣玷

超除 臣敢不免勵衰殘少圖稱塞舞干來遠素知文德之敷歸

馬告功尚見武成之作

云云

謝大皇帝表

臣某言伏奉制命授臣樞密使加食邑一千戶食實封四百戶
豫聞兵政無補萬分褒進使名有慙再命循墻莫避履薄是虞
臣其中謝伏念臣起自諸生蚤蒙異眷儒名藏室許造跡於英
躋史觀霜臺漫問津於要路恩施丘山之重事功銖兩之輕在
萬華年侵尋浩首父老於寧幸逢千載之期在臯右變馴點四
鄰之列屬在職戈之日莫施借箸之謀碌碌誇朝容俗位免大
而已幸正近用以奚功非望所期茲榮實懼此蓋伏遇

尊號太上皇帝陛下德隆上聖運啟中興凡今經武以整軍皆
昔定功而保大聰明不殺人懷有截之威安樂延年天畀無疆
之壽致令尸素不失高華臣敢不展四體以勤勞報兩朝之恩
遇目瞻太極豈容品物之謝生身在康衢徒助歌謠而歸美臣
無任感恩荷聖激切屏營之至

生日詔

勅某卿材宏朝棟任重天樞啟素商既望之辰舉嘉誕匪頌之
式庸昭寵遇益禔壽域今賜卿云云

謝表

臣某言伏蒙 聖慈以臣生日特降中使賜臣羊酒米麵者祿
養無從感蓬孤於私室。思頌有腴。分牢醴於太官。藐是孤生。愧
茲異數。臣其中謝。伏念臣奮身寒苦。息念肥甘。貧若顏回。但
慕簞瓢之樂。道非伊尹。敢思鼎俎之干。叨蒙神聖之知。濫綴
諸之列。曾微一善。可稱千鐘。逮逢初度之臨。更冒多儀之錫。詔
旨溫厚。勅使光華。嘗美非遺。毋之言。負未動為親之念。隆恩所
被。朽質奚堪。此蓋伏遇 皇帝陛下。眷厚近司。禮嚴故實。雍
而治。慮心力之俱勞。宴樂于需。推正中而及下。是豐賚予。丕勸
臣鄰。臣敢不祇拜。君嘉免圖。忠報食天祿也。富一醉而則大由
已飢之飽。三軍而殆。庶臣無任

賀東宮生辰劄子

某茲者恭遇 皇太子殿下誕序甫臨。萬有千歲。中外同祝。而
况兩宮勅使交馳。慶禮邦家盛事。今古所稀。某夙蒙恩遇。密瞻
鶴禁。拘文不獲。與僚寮展拜庭下。野芹寓誠。蓋循定例。仰干威
重。何可逃伏。乞令慈俯賜裁赦。某下情無任頌禱。兢懼之至。

東宮賀冬牋

統得於天。實謂三正之首。陽生於地。倣觀一氣之升。喜溢宮庭。
歡均海縣。中賀恭惟

字

皇太子殿下溫文內蘊英敏外彰日奉重親謹寢問之常度教
形長子嚴邸第之新儀受福孔多與時偕永其睿瞻玉彩阻奉
瑤卮欣逢有道之長信切無疆之祝其無任激切頌詠之至

淳熙十二年

東宮賀年牋

天運無窮方衍萬年之曆聖圖有大載頌四海之春仰淑問之
峩峩知休祥之簡簡中賀恭惟皇太子殿下道諒周頌識邁漢
莊贊育物之仁允資蒼震助農天之道昭不顯必陽德懋於日
新福自臻於時萬其猥參丞弼久荷私恩雖龍墀密望於儲暉
而鶴禁阻修於慶禮瞻依徒切頌詠奚殫

天申節滿散功德疏

奉萬歲之玉卮將修慶典獻千秋之金鑑遠誕期凡在臣工
敢稽美報假熏修於西竺致頌禱於南山尊號太上皇帝德被
含生位尊太極夙享寅威之福今延安樂之年炎運方興永對
舒長之景薰風不斷常依長養之仁

乞令宰臣兼樞密使劄子

臣伏見仁宗皇帝慶曆二年秋晏殊為樞密使密王貽永副之
會西邊出師用諫官富弼之言詔宰相呂夷簡章得象並兼樞

密使今北方情偽罔測正陛下經武整軍之時比之西邊事
 体尤重兼中興以後自有近例欲望 聖明稽參故實命王淮
 梁克家兼總樞務既合公論亦協權宜 臣累月來屢與施師點
 商量方敢奏稟如蒙允許 臣自當悉心竭力協贊萬一決不敢
 懷安避事仰辜任使取 進止六月三十日批出續聽處分

生日詔

勅某卿器資宏廓識慮淵通天生名世之英時賴保邦之策方
 協期於西顧遠告望於素舒載臨嘉誕之辰且舉匪頒之式今
 賜卿云

謝表

臣某言伏蒙 聖慈以臣生日特降中使賜臣羊酒米麵者蒙
 義恃怙之勞俯臨載育伐木造豆之踐深養愧賢拜賜周章捫
 心感歎 臣某 中謝 臣藉以初者常情之共紀 惟親安足以為

榮多儀者明主之異恩惟德稱乃其無忝如臣孤露籍位高華
 甘旨不泊于平時尸素更嗟於暮齒 膺番錫彌震危衷蓬矢
 桑弧久負 方之志 昆肩危酒曾何參乘之功茲蓋伏遇 皇
 帝陛下恕以取人惠於接下既爵祿不嫌於誤 在簞 羊
 於匪頒有來外幣之珍俾作私庭之寵罷朝為壽悵無張酺之

酌

歡上馬披堅徒勉庶頗之飯損軀以報永世為期臣無任

問聖體劄子

臣等累日阻侍清光不勝犬馬之情雖聞聖體安和但雨後天

氣驟涼莫可更展一二日然後視朝否臣等欲二十四日午後

略就殿內起居伏取進止

東宮賀冬牋

冬廩因陳雲告屢豐之兆歲祥習吉天臨大報之期已鍾慶於

嚴宸宜集禧於儲禁中賀恭惟皇太子殿下五常德備三善名

彰奉亞獻於太宮聿嚴七鬯登二觴於郊陛助格穹祗茂對一

陽之未坐膺諸福之至某久陪經席方待籌幄雖莫預於進趨

顧敢忘於祈向

郊祀禮成謝加食邑表

臣某言伏奉制命以郊祀大禮慶成加臣食邑一千戶食實封

四百戶者賚封於廟方予善人澤上於天亦楊孚號顧何功於

與^祭察乃冒寵以加田不敢獨辭惟慙虛受臣某中謝伏念臣積

緣幸會屢侍親祠歸點從班兩陪於齊輅擢登樞筦再導於宸

旒儒生之願已踰聖主之恩曷報何期需渥更添徽章茲蓋伏

遇皇帝陛下事天寅恭待下仁恕嚴牲玉於大祀從周之文

責耐金於諸侯黜漢之陋故茲餼惠不必食功遂容尸素之臣
例被褒康之典益之邛殿空慙書社之多歸我汶陽尚贊版圖
之復臣無任

謝 太上皇帝表

臣某言

云

拜况于郊甫畢祀天之禮施恩自近亟叨加地之

榮承命以還省躬而惧臣其中謝竊以宗祈盛舉登配上儀本一

人精亨之誠來百執交修之助如臣無狀竊位有年徒能陪羽

衛以往回且復導冕旒而陟降粗寔不恭之謹初微可紀之勞

何意宸綸益增采邑此蓋伏遇 尊號太上皇帝陛下乾坤協

德華夏歸仁勤勞昔致於中興典則令貽於嗣聖上千萬歲之

壽方歸胙於慈庭同三千臣之心更均釐於黎獻致茲微數俾

爾具臣曲逆更封愧及陳平之泰元增策願祈漢帝之年云

云

謝東宮牋

某云

云三歲習祥訖泰壇之大祀兆民賴慶均寰宇之多惟曾

何補於運籌乃猥叨以加地某中謝伏念某夙蒙恩獎久豫政

機駿奔郊廟之間騎道車旗之內仰睿王親祠之畫禮暨元良

亞裸之竭誠列聖之來款致三靈之錫羨已深榮遇更冒徽章

茲蓋伏遇 皇太子殿 下主 聖凝猷重暉宣耀贊寬仁於君父
厚體貌於臣鄰遂使空餐例增采邑漢儀既就初無待於叢綿
吳地益封竊有慙於滌洗 某無任

免赴正旦入賀劄子 十二月三十日

臣所患腰疾連日用數醫調理尚未痊安來日元正啟祚且復
慶壽大典詎當勉強入賀正慮失儀謹具控陳欲望

聖慈預賜矜恕其餘謹俟面奏伏乞

睿照

歷官表奏卷第七

周益文忠公集一百二十八

賀正旦表

臣伏以三陽交泰萬宇俱春恭惟 皇帝陛下德並照臨仁參
化育受四海之籍將混一於丕圖慶八帙之年益恢隆於至養
新又新而弗息朔以無窮 臣忝綴弱詣偶緣假告阻趨北闕但
祝南山 臣無任

德壽宮慶壽趨赴不及劄子

臣伏值 陛下講禘世之濶典慶慈庭之萬壽凡一命而上皆
獲隨班入賀獨 臣無狀驟感腰膂之疾不能起止阻同百獸率

舞形墀之下其為悵恨深自憐憫謹具奏知伏乞 睿照

東宮賀正牋

布

舜曆誕頌方洽同文之化堯年益永載行慶壽之儀而大喜於
皇家集殊休於儲極中賀恭惟 皇太子殿下中和性稟英粹
日躋我澤如春家致重離之助王明受福適符交泰之臣對有
併之新祺協無疆之善頌其贊襄何補暉闡焉依宮庭莫遂於
膝行毫穎徒勤於心禱無任激切歸依之至

請假十日劄子

正月三日

臣不善衛生腰痛日甚百藥俱試殊有效未聖慈給假十

日庶幾一意將理獲遂痊平伏取 進止

謝宣醫劄子

臣積為寒氣所薄有妨拜跪初誤信醫先投剛劑轉覺腰背疼
痛不能轉側仰蒙 聖慈宣遣王懋診視宣通熨烙遂獲安愈
再生之恩實踰天地臣昨日已曾奏謝伏遇王懋連日至臣私
第取效甚速已依例薄送藥材之費欲望特降睿旨令懋收受
臣無任感恩荷聖激切惶懼之至

謝賜藥方劄子

臣早來伏蒙 聖恩矜臣病教以服餌之要茲復恭承 聖

旨賜到藥方二道，便當修製服食，仰惟天地之至仁，曲憐草芥之微命，願雖粉骨曷報鳴私，臣無任

辭免慶壽轉官加恩劄子

臣準尚書劄子節文三月八日三省同奉聖旨書冊文書周

其轉行一官依例加恩，臣恭承明命，震懼無地，臣聞國家爵賞

之行，蓋有二說，非祿以詔功，則予以駁幸，過_是加焉，斯名

矣。邇者陛下極事親之誠心，增_{太上之}顯號，制度裁於宸慮，

陟恪勤於聖躬，其在群臣固亦何預？若曰國有大慶，恩繇近始

實，惟馭幸不必_視功，其如宿衛之日已叨錫賚，禮成之後，疊拜

金縢，茲為予也多矣，更加爵秩，何以為名？夫無名受賞，雖踈遠

之臣猶畏譏議，况乃參陪四近，繫中外之觀聽者乎？伏望陛下

下照知_恩誠愛惜名器，及制命未下，間許賜寢免，是固國體所

繫，非獨安臣私誼而已。干冒天威，臣無任戰懼懇切之至，伏

取進止

不允詔

勅某_云具悉，朕嘗歷觀前載，博_舊聞求其寧親介壽祉_福

福兼備，如今日之隆，自三代以還，未之有焉。蓋惟皇天右序我

家，太上克紹天德，用申命于無疆，而二三執政之臣同寅協恭

輔朕不逮兢兢翼翼仰承闕休屬者皇筭增衍鴻名益崇寶冊
揚輝昭登億載卿以西樞之長毗予大政琬琰之刻藻翰是資
乃體法端偉焜耀彌文朕甚嘉之進陪秩封庶鼎美績顧惟不
一慶誼不可辭所辭宜不允

辭轉官加恩表

臣某言伏蒙 聖慈以臣書冊文轉行一官依例加恩尋具辭
免伏奉 詔書不允者慶賀驟加難於冒受溫言誕布諭以欽
承心苟未安理宜自列臣其中謝臣竊窺國史深慕祥符詞章
如陳堯叟之華問學如王欽若之懿冠珥聯於西府製禮頒於

壇

東封俱服恩徽越升階秩既厚政塗之禮抑增儒述之光顧臣
非材適爾充位方上聖慶 慈皇之壽即天庭陳玉冊之儀且
古罕聞崇朝創見獲班朝而已幸叨錫命以何居况無昔人屬
思之勞敢用前日遷官之例是忘再瀆仰思四聰伏望 皇帝
陛下有赫照臨不私覆載上稽乾道念臣非撰述之官近比淳
熙許臣遂懇辭之志蓋公聽並觀之在此亦小廉曲謹之常然
儻明取予之方寧被黜煩之譴臣無任

批荅

省其康之皇極之福有五蓋兼壽德之全天下之樂者三寔俗

父母之養永惟國慶玉奉親歡中開綿遠之期並舉雍容之典
與增華於寶冊實允賴於法書不惟筆精墨妙而究勤於簡策
之間抑亦武偃文修而效美於謀謨之素宜頌寵數式懋賢庸
閱休既軼於前聞冲懇曷拘於近以無勞謙執亟服恩榮所辭
宜不允

辭轉官加恩第二表

臣某言伏蒙聖慈以臣再辭免書冊文轉行一官依例加恩

特降中使賜臣批劄答不允者萬年受祐溥推有佐之恩三命
循墻慶致懿恭之懇漢雷風而存至凜冰炭以交懷臣某中謝

臣竊以褒陟之階增封書社厥惟異數以獎茂勲如臣者初乏
事勞偶逢孝治當玉卮之稱壽既寶冊之垂鳴既不能潤色討
論上議即之奏又無以鋪張揚厲膺儒館之歌徒因朝野之歡
例徂股肱之喜方將戒得敢復傷廉伏望皇帝陛下原省功

疑厲精賞慶重馭臣之大柄輕遷令之小嫌儻容必爾於邦榮
姑願稍陪於租食如是則足辭多而受少尚瞻子雅之賢印趣
刻而令銷彌顯高皇之聖陳情已至得請為期臣無任

批卷

省表具之朕惟子愛其親必務顯揚之美名賓于寶更賀後歸

之文維時寶冊之書繫我鳴儒之筆簪紳頌歎牒簡光華矧妙
運於元樞寔共圖於大政克遂寧親之養尤嘉輔德之勤既舉
上儀盡頒茂賞諭言已至懇避猶堅且將姑拜於爰租而復上
還於文秩雖禮遜固能於為國難廢至公若官邑均所以庇身
豈宜偏授其停奏牘毋闕寵章所辭宜不允仍斷未章

謝表

臣某言伏奉 制命授臣正議大夫加食邑一千戶食實封四

百戶者得壽與名數錫寧親之祉進官及邑增褒共政之臣雖

竊於逢辰願何庸而受寵臣某中謝臣聞一人有慶賴及兆民

萬壽無疆德加百姓蓋當宁懋隆於爰敬則敷天威被於榮懷

臣夙冒昧知久聯邇列獲值堯年之永益親舜孝之新日載自

依照臨首暨霄垠勢潤澤先需已超寄祿之階更衍爰田之賦

周章拜命俯仰懷慙茲蓋伏遇 皇帝陛下聖治通天仁心冠

古俾爾戩穀尚不可於群黎猶吾股肱宜加憐於一體肆假濡

毫之拔楊出綽之言臣敢深念僥踰力圖報塞德澤恩垂雖

異眾以獨辭意廣才踈終恚心而自竭臣無任 皇天

謝表 伏奉 聖慈以臣生日特降中使賜臣羊酒米麵者勞

臣某言伏奉 聖慈以臣生日特降中使賜臣羊酒米麵者勞

表

瘁初辰仰闕 睿聽肥甘飲賜俯逮私庭恩重不啻感深無數
臣其中謝 伏念臣稟生孤露逢運休明祿以榮親乃莫諧於終
養稟惟稱事顧常愧於素餐久近近司適因載育溫厚綸言之錫
光華詔使之臨醪醴孔多餼章有踐雖荷彌隆之眷實增弗稱
之思茲蓋伏遇 皇帝陛下恩結人心禮優士類飲酒食每歌
於周雅割烹殊異於湯臣施及庸才例寵頌數斯民人壽幸泯
於餘生既醉太平疇敢忘於美報臣無任
臣夙求祠第一劄子九朝
臣庸愚不肖誤膺簡拔久司宥密宜在黜幽特以大恩未報不
敢輕去比聞有人揭榜平江疏歐陽萬私鑄沙毛錢則云
侍臣鄉人言郭棣過夫則謂常徇其私請臣以匿名法不當問
而所指之事於臣別無迹狀遂置而不問但臣身備四近望實
素輕為人指名辱國多矣今聞郭棣繳上件榜文申尚書省乞
下有司究治事既公行理難自默欲望 聖慈許臣解罷密院
職事處以外祠度幾他日根獲寫榜之人不至望鍛鍊各得其
平以示公朝不私之意伏取 進止

第二劄子

臣充員政塗閱歲久事功何有罪戾則多雖陛下天覆海涵

未實譴阿_之而臣內循非據常履淵冰適已具述懇誠乞在外官祠差譴欲望 聖慈即賜處分冒瀆天威無任戰懼俟命之至取公進止 聖慈即賜處分冒瀆天威無任戰懼俟命

勅某云云

具悉樞機重任理實係於安危輔佐大臣義難輕於

進退卿周旋二府荏苒七年有庇民之大德而持之以謙有事

君之小心而濟之以正雅望宏度已穆在廷之瞻忠言嘉謨尤

高謀國之體方完觀於績用何忽冀於燕聞匪我攸聞亟其反

室所請宜不允

和第三劄子

臣昨日疊具奏劄乞奉外祠伏蒙 聖慈遣使宣押未許其去

仰衛恩施縻罔莫鼎心既難安理須固請伏念臣受才駑下百

不如人而逢辰遇主編歷華_貴承明三入又踰一紀向居特

從分量已盈求閑之章頻達睿德既參大政茲不皇寧但以去

就繫人之觀瞻不敢如前之煩黷存更律乃嘗陳情未奉俞旨

空輒_起尸素旋陪籌幄益愧_起迂方俟再期力申前志忽蒙簡擢升

正使名獲_未牢辭勉就職今復二年有半矣爵位已極力才殫

在臣為當去_未遑鄙不得盜賊不作在臣為無嫌尚或不知引退

乃是前後相為背矣。陛下縱加極賞，公論豈肯恕。臣歷懇願，天蓋亦晚矣。伏望聖慈，發其惻愍，惠以初終，推父母博愛之仁，佚大馬既窮之力，速頒成命，安危取中，進止洪邁撰不詔既洪邁撰。勅某云具悉。朕禮遇元臣，義均同體，樞機周密，監其夙夜之勤，補贊彌縫，以久長之報。正爾有功之可績，詎容無故以言歸。卿忠力一心，將明兩地，太尉之尊，等相物望，既隆三公之任，承君官儀，允協方岳，岩廊之恭，已足資帷幄，運籌荐藜，引去之章，殊弗仰成之意，邊鄙不聳，計見效以甚明。旅方剛在懷安而未可體于申告，毋或嗣陳，所請宜不允，不得再有陳請。

東宮賀冬箋

雲兆三登，瞻慶雲之紛郁，日行五道，符化國之舒長。叢瑞應於宮庭，浹灌諡於海宇，中賀恭惟皇太子殿下，英明毓質，仁孝根心，象著重輪，助照臨於兩曜，地居蒼震，贊簡易於二儀。茂對陽剛，備膺天祉，某家瞻玉色，阻奉金觥，敬逢七日之來，虔致億年之祝。

辭免進書減磨勘劄子十二月五日同施師點黃洽黃

臣等仰惟陛下愛惜名器，以勸事功，近因臣僚乞裁進書賞

特軫聖慮斟酌區處內外小大咸得其當臣等蒙恩各減四年磨勘許令回就天地之施草木知榮但臣等昔雖備教掌故未嘗施鈇槩之勞茲忝二府又非經進自不應叨被賞典况提舉官既計辭避賊臣等愈無受之理今來更不循控免仰勤詔諭輒同具奏劄懇請欲望聖慈特依所乞庶伸休國之誼抑逃僥倖之譏干黷宸衷伏深戰汗取進止

淳熙十四年

辭免右丞相劄子 二月

臣伏覩今月十五日制書授臣光祿大夫右丞相加食邑實封

特降中使宣押赴都堂治事者輔弼之任古今所難猥加庸愚良以震駭臣聞棟以隆而~~吉~~鼎以中為實本末或撓安能任重剛柔中節乃可參和伏~~惟~~陛下天縱聰明日新政治洞照群臣之能否恢宏萬世之規摹宜得其賢助調元化顧如臣者夫豈其人徒以蚤侍軒墀久陪帷幄奉承教令首~~道~~謹~~可~~揆席隅虛敢期冒進今雖聖神獨運攬權綱並置~~疑~~間容充位然~~後~~而政者實~~且~~瞻之地宰司非次補之官必欲僉諧固當選眾儻謂綸言之已播輒公故事而懇辭若昔~~仁~~皇登庸以輔旋因物論改使樞庭當時貼麻人以為允伏望陛下遠稽祖武博採

褒陟俾聯揆席自非皇太子殿下眷念舊人曲加薦進其何

以臻此然力任重實非所安已具奏懇免欲望令慈因侍膳

之間賜半言之助冀收漢汗安此危重冒瀆威尊其下情任無

戰栗虔祈之至

辭右丞相表

臣某言伏蒙聖慈以臣辭免新授右丞相恩命特降詔書不

允者小才積累久陪廊廟之崇大號漢揚驟寘鈞衡之次思踰

始望理合終辭竊聞賜詔之溫彌覺危衷之惕臣某謝聞

國以弼亮為重古以疇咨為艱立賢無方選眾而舉若伊暨傅

遠求耕築之中惟召與周近取弟兄之內自時厥後維見可觀

率因望實以推揚罕繫班聯之高下洪惟聖世迴掩前聞聲分

佐之官並置東西之府既熟觀其器識復詳試以事為或揆席

之偶虛繁宸旒之獨斷多由德進間以次升上弁合於天心下

亦孚於士論方之歷代最曰良臣以迂邁幸於際遇出入承明

者踰二紀周旋兩社者幾八年以陛下聽德惟聰豈不察臣

無尊主庇民之學以陛下知人則哲豈不監臣非助天理物

之才特緣備使於機庭姑俾序遷於宰路寵雖至臣實堪焉

伏望皇帝陛下深軫睿思恪遵家法不輕命相惟務掄才况

皇帝陛下深軫睿思恪遵家法不輕命相惟務掄才况

元輔處中足副仰成之意而舊人在外適當圖任之時徐觀奮庸亟許廷令如此則計資顯授已彰偏愛之仁引分聽辭又狗知難之義茲為兩得必契群情臣無任云云奉御寶批降批答不允

批答李子嘯撰

省表具之樞極之任統幹萬兵鈞衡之司總揆庶事夙均列於政地茲進登於宰庭所以疇其成勞昭我隆眷矧文武萬邦之憲允謂全才而夙夜宵命之基迄臻美業爰擢升於右弼用誕告於外朝所宜即副巖瞻共熙庶績何異章之登上乃渙號之久番且機務至繁要使一日二日而無曠今謙辭已過豈勞再命三命而益共其若予言亟祇乃服所辭宜不允

第二辭表

臣某言伏蒙聖慈以臣上表再辭免新命授右丞相恩命特降中使賜臣批答不允者麻卷初宣教上懇還之奏詔幽疊下欽聆趣拜之言審未副於僉諧敢願忘於頻選臣其中謝臣竊

以庭惟當否國勢重輕海西皇皇亘居中而枕奠萬機業以皇在右而績凝後暨漢唐之朝雖朝帝王之輔然猶蕭曹同心而鳴業定房杜相濟而泰階平矧逢大有為之時難用小有才之

相臣之不肖衆所共知襍捕豈棟梁之才餅罌非鼎鼐之器叨
蒙睿獎久綴近司趨事赴功已愆於筋力立經陳紀又乏於
智謀固嘗面乞於守邊何敢自期於當軸倏膺選任殊駭聽聞
諸大夫皆曰賢尚當採國人論一男子即得相寧不貽使者之
羞儻昧卑辭將干大戾伏望皇帝陛下如堯之咨四岳如舜
之命九官與其因績用弗成始後易置孰及賢和相遜即賜允
俞下可遂於身謀上亦全於國體躡尊之禮伏地以頌臣無任
云云降批荅不允仍斷來章

李獻撰

道具^卷之卿以高明醇正之資貫通古今懷誠秉節表勵庶工
自長西樞宣勞茲久乃進登鼎席弼予一人朕志已定望已孚
而抗章三至懇辭彌確且在漢制太尉相尊等耳今宥密領使
蓋太尉之任則撥路之進抑何為卿其業圖政理同緝化機乞
有殊勛是為美報謙遜之節固所嘉歎而非所期望於卿也其
止奏封勿復來上所辭宜不仍允斷來章

辭免兼職劄子

臣準者劄二月二十二日奉聖旨差臣提舉國史院提舉編
修國朝會要所提舉勅令所寵靈參集恐懼交深指竊以削

筆二書談古今之德業討論三尺垂中外之章程苟非其人疇
與斯事也最為冗陋積幸遭逢蚤並英遊蓋屢窺於石室晚陪
政路嘗同興於登科茲甫踐於中台乃兼分於衆職自知忝冒
人且譏訶仰冀詩聖明俯垂簡詩加大名而修史特容李泌之辭
定成法以寧民專倚蕭何之講毋使提綱之任重為竊位之羞
干冒宸嚴臣無任云云取進止

不允詔倪思撰

勅某云補具志朕登崇弼臣總領庶寮謀謨德業分疇左右之
賢典策章程兼攬古今之誼卿學該倫類識貫本元茲奮庸於

宰庭爰帥屬於史觀載統皇綱之纂述仍提邦憲之刊修職並
萃於真儒望益孚於衆雋自份有命實振斯文觀故事而條更
宜更酌方今之要務先相遼業而奏寬大尚恢一定之良規其畧
謙辭以舒賢蘊所辭宜不允

因陳賈論王謙待罪劄子五月

臣初被恩擢之初輒循舊例薦引王謙豈謂弗協公議致有論
列在臣不能旁招後又仰誤召命無所逃刑者元祐宰臣因薦
館職失當具奏自劾輒緣斯仰瀆聖明亦不敢居家待罪以動
觀聽伏望出自睿斷特賜貶降少懲謬舉尚圖後効以贖前愆

伏取進止奉御批降詔不允

李獻撰

勅某云其悉知懋聞賢猷進持國秉甄收衆善總理庶土此

於輔相之初嘗有薦揚之奏志本期於得士詎實見於惟公雖

絲噴室之言宜停促召然在宰庭之任要務廣求固無可引之

懋難徇所陳之懇即承予意益奮厥庸所乞宜不允

臣仰惟陛下日勤政治昭格天心累載以來時和歲稔自臣

備位東府即致早禱傳說之霖德裕之雨雖實有愧公言謂何

况臣猷望輕素乏相業雖微灾責自合黜幽伏望

聖慈即賜罷免庶寬臣慮後見豐年伏取進止奉御筆批降

不允

勅某云其悉彌月以來常暘為沴並群望未格山川之靈

敬共明神莫回天地之意朕側身思咎拊已興嗟皆繇庶政之

失中敢以膺災而移下卿等望崇永弼忠輔國家方資益講於

闕遺詎可輕圖於去就六事自責已愧成湯之譽三公免歸難

循衰漢之典亟安厥位以邇遠猶所請宜不允

前第二劄子不曾出付

臣一介庸虛蒙陛下簡擢最蚤其於補報乃獨缺然自議政

塗閱日茲久庸庸備位既無以仰裨聖圖又不能修明政刑究

宣職業少副中外之望積為繆蓋上干陰陽之和致茲旱災見

於登用之始天意明●甚人情可知茲臣近者自劾謬舉蓋嘗

面奏未敢因此決然引去只俟一兩月間別伸懇請今緣閱兩

歲事可虞上下整教各將誰執事既參豈容復番伏望 聖慈

斷以不疑即賜罷免應天以實專在於此干黷宸扆臣無任俟

命之至伏取

進止

臣言近以雨澤愆期乞賜罷免伏蒙 聖慈特降詔書不允者

君德方隆宜多樂歲相才弗肅乃苦常賜抗章恭俟於嚴誅賜

報尚循於曩敢避黷尊之譴荐陳存咎之辭臣其中謝聞古有

三公今為四輔實在燮調之責匪資期會之勞若登庸皆得其

人則嘉瑞必為之應唯時盛夏久渴甘霖寧丁我躬上聖屢勤

於精禱焉用被相微臣難違於常刑伏望 皇帝陛下仰測天

心俯稽朝論勿以前日詔除之誤而妄異時策免之規別求英

...

歎協贊邦治正時不宮銷于公頃刻之間九叙惟歌洽和氣於輿之內匪無任

入國不允詔

勅某云具悉朕臨御以來惟民是念顧夏九元陽之沴歷日

彌長撫一時各證之深遇災懼天地弗臨於請禱神明莫監於

精誠維歲事以堪憂當夜分而屢歎卿等夙緣公望服在台庭

觀茲高澤之愆存懼免童之懇一人有過豈移真宜於大臣九

叙惟歌所冀力行於善政亟其反室毋或贅言所請宜不允不

得再有陳請

再同王丞相黃泰政乞貶降劄子

臣等輔政無狀致茲旱災上無以寬九重之焦勞下無以彌百

姓之咨怨連章請罪恭俟汰斥豈謂陛下海涵天覆曲示眷

番慙懼兢惶進退惟容伏見仁宗皇帝慶曆七年嘗因久旱特

從宰執陳執中宋庠丁度降官之請載在國史為後法今陛下

下縱未許臣等同時遷去欲乞稽用舊章並加貶降不惟默當

天意抑可少塞人言伏取進止奉御批旱暵為虐晨夕是

憂弭災方賴於嘉謨貶降難遵於故事毋勤爾請用副朕懷

再乞罷政劄子

臣伏見夏秋以來旱勢日甚。陛下齋心祈禱，靡神不寧。凡可
以施惠恤刑，求言損已，無所不用。其至宜乎順氣協應，濡為膏
澤。然雲方族而復散，雨欲下而還止。禾稼就稿，井泉將竭。變異
如此，殆必有由。非臣輔政無狀，陰陽弗和之明驗歟。前月二
十一日嘗具奏旱災見於微，臣登用之殆天意明甚。蓋為是也。
今既再旬，人情愈覺煎熬。咎實在臣，何所逃罪。伏望陛下特
施威折，亟賜罷斥。庶幾人心悅而時雨降，不至專勞。聖慮抑
可少塞。父言干犯威尊，臣無任戰栗。俟命之至，伏取進止。
辭免生日生餼劄子

臣伏見連月以來，雨未時若。苗稼就稿，群情嗷嗷。陛下禹湯
辜已至，損內贍之常膳。臣輔政無狀，方獲嚴誅。竊恐有司以臣

相近初生，例頒生餼。夫常衣辭賜饌於無事之際，而微臣拜墓
饋於貶食之時。於義難安。豈容饗養。伏望聖慈，特蠲常禮俾
道空餐，仍加絀削。以塞災咎。干黷宸嚴，無任戰汗之至。取進
止奉御筆批依所乞。

臣等伏見皇帝陛下以時雨愆期，憂勤備至。減膳徹樂，聖心
焦勞。臣等燮調無術，致此災沴。陛下縱未欲並行罷免，猶當

貶秩以懲失職前既控請未蒙賜允今復再旬旱勢轉夙夜震
懼益不皇寧儻陛下尚俾自勉後圖且乞將臣等月俸餐錢
並從減半支給庶幾薄示警戒以弭天災迄用有年未必不由
于此伏取進止七月十四日奉御筆批依所乞

臣等辭免復俸劄子

臣猥以菲才過尸榮祿伐檀之刺每愧于中比緣旱災乞減半
俸今方踰月未晴前愆詎意洪私亟令仍舊戴恩重深者已
兢兢方與敝司協圖荒政民無艱食乃敢復常願俟來春欽承
聖意臣無任惶惧俟命之至伏取進止

不允詔

李燾撰

勅其云且悉時會元陽憂形嚴廟嘗覽勞謙之請姑從俸之

誠曾靡踰期遽能答繫彌縫之竟宣燮理之召和且咸享夫

心久復膳羞之御而散無友紀幸寬餼賜之延調泊于茲俾還

其舊何勤列奏更俟來年若旱歲之作霖要共圖於澤閭叙群

臣而曰祿顧敢後於粥諧其体深哀毋煩多遜所辭宜不允

賀東宮生辰劄子

其茲者共值皇太子殿下誕序載臨仰惟福壽兼隆與天同
永而况兩宮交致慶禮是誠前代所稀其夙被恩矜今復蒙依

重潤雖不獲與僚案展拜于庭顧野芹致敬安敢輒忘進越僭
具別紙伏乞今慈俯賜矜恕其下情無任頌禱慙懼之至

管東宮主事陳七

歷官表奏卷第七

